



Coimisiún na Scrúduithe Stáit

SCRÚDÚ AN TEASTAIS SHÓISEARAIGH, 2009

STAIR – ARDLEIBHÉAL
(NÁ cuir na leathanaigh seo isteach le do fhreagarleabhar.)

FOINSÍ

1. PICTIÚIR

PICTIÚR A.



(Foinse: www.dkimages.com)


PICTIÚR B.

X



(Foinse: *'Birth of the Republic'* le Walter Paget. Ard-Mhúsaem na hÉireann.)

PICTIÚR C1 agus C2.



**Bí ann agus bí linn ag
FÓMHAR AN BHUA**

Tá tú ag teastáil sna goirt!

**Iarr bileog agus foirm liostála ag do
mhalartán fostaíochta áitiúil nó scríobh
chuig Roinn Talmhaíochta na hAlban ag
15 Sráid Grosvenor, Dún Éideann.**



**Mná na Breataine
TÉIGÍ ISTEACH SNA MONARCHANA**

**Iarr comhairle agus gach eolas ó
aon mhalartán fostaíochta**

(Foinse: Imperial War Museum, London.)

2. DOICIMÉID

DOICIMÉAD 1.

Sliocht as “Archaeology is Rubbish”, Robinson & Aston, Pan Macmillan Ltd., 2003, l 100

Baincээр Gearmánach sa naoú haois déag ba ea Heinrich Schliemann a raibh miotas Chogadh na Traí á síor-chiapadh ina intinn. Theastaigh uaidh thar aon ní eile teacht ar chathair ársa na Traí, áit dar leis an bhfile dall Homer, a raibh Hector, Odysseus agus Achilles ag iomaíocht lena chéile i gcath fíochmhar níos mó ná 3,000 bliain ó shin.

Sa bhliain 1869 rinne Schliemann cnoc beag a fhionnadh sa Tuirc ar a dtugtaí Hissarlik. Chreid sé go raibh an chathair a bhí á lorg aige istigh faoin gcnoc. Ba é an donas é, leis an bhfionn a bhí air a theoiric a dheimhniú, gur thocail sé trí chiseal i ndiaidh cisil de sheandálaíocht go dtí go bhfuair sé é. Ba ghearr go raibh cáil ar an láthair. Foilsíodh fótagraf de bhean Schliemann i nuachtáin an domhain agus seoda á gcaitheamh aici a cheapadar a d’fhéadfadh a bheith mar ornáidí ar aghaidh álainn Héilin na Traí tráth dá raibh.

Ach leis an bhfírinne a rá ní raibh Schliemann tar éis teacht ar Thraí Homer in aon chor. Laistigh de thrí bliana tar éis a bháis chruthaigh duine dá chomh-oibrithe go raibh dul amú air sa teoiric a bhí aige. Láthair seandálaíochta ba ea é agus fíorsheoda a bhí iontu ach bhain an láthair agus na seoda le tréimhse eile ar fad. Agus an fuadar a bhí faoi lena bhrionglóid a fhíorú, rinne sé scríos ar an-chuid seandálaíochta nach bhféadfaí a leithéid a aimsiú arís. Tá cuma láthair bhuanmála ar Hissarlik anois.

Tá seandálaithe ann a deir gurb é an sampla is measa dá bhfaca siad riamh de chreachadóireacht seandálaíochta a rinneadh d’aon ghnó. Baineann seandálaíocht mhaith le breathnú ar láthair agus cuntas cruinn a choimeád ar cad atá ann. Ní bhaineann sé le dul ag cuardach rud éigin agus ansin a áiteamh ort féin go bhfuil an fhianaise ar aon dul leis an teoiric atá agat.

Foinse: “Archaeology is Rubbish”, Robinson & Aston, Pan Macmillan Ltd., 2003, l 100

DOICIMÉAD 2.

Sliocht as cuntas a thug Major General Howes, oifigeach in arm na Breataine. Bhí sé ar sheirbhís in Éirinn i rith Chogadh na Saoirse, 1919-1921.

Bhí mé im Chaptaen Fóirne i gceantar Chorcaí. Bhí an ghráin ag na saighdiúirí ar mhuintir Shinn Féin. Níor tháinig siad amach go hoscailte riamh. Rinneadh an lámhach go léir i do dhrom ó laistiar de bhallaí. Nuair a bhídís sáinithe mar a tharlaíodh nuair a bhíodh airm á lorg againn ar dhroichead agus dhá thaobh an droichid dúnta againn, shíneadh siad na gunnaí go dtí na mná agus chuireadh siad sin iad i bhfolach faoin a gcuid sciortaí. Déantaí na fir a chuardach ach ní chuardaítí na mná riamh. Ghlac na sagairt páirt ghníomhach agus dhéanadh siad eachtra a mholadh mar éacht troda ar nós póilín a dhúnmharú nach mbíodh aon airm aige agus a tharraingítí amach as bus agus a dhéanadh daoscarshlua é a lámhach agus é a fhágáil caite ar an mbóthar.

Cuireadh níos mó agus níos mó trúpaí isteach sa taobh ó dheas d’Éirinn go dtí go raibh 100,000 díobh ann. Cuireadh beartais chun an réabhlóid a mhúchadh i bhfeidhm agus bhí ag éirí linn an réabhlóid a chur faoi chois. Roghnaigh Rialtas na Breataine an tráth seo chun géilleadh. Na saighdiúirí go léir a chailleamar, ní raibh ann ach íobairt in aisce. Bíodh is go mbeadh sé ciallmhar saoirse a thabhairt don taobh ó dheas d’Éirinn, ’sé mo thuairim go bhféadfaí é sin a dhéanamh níos túisce nó é a choinneáil siar go dtí go mbeadh sé soiléir go rabhamar sách láidir lena leithéid a cheadú.

Ní raibh aon bhaint agam leis na ‘Dubhchrónaigh’. Bhí taithí ag na fir seo go léir ar pháirc an chatha agus cuid mhaith díobh tar éis cáil a bhaint amach dóibh féin. Fir chrua a bhí iontu go léir. Thugadar aghaidh ar na réabhlóidithe céim ar chéim agus bhuaigh siad orthu le cor in aghaidh an chaim. B’shin an chúis go raibh droch-cháil orthu. An gnáth-shaighdiúir, mar a tharlaíonn i gcónaí, b’fhurasta é a mharú. Bhí air fanacht go gcaithfí piléar leis sula mbeadh cead aige tabhairt faoin namhaid. Aon rud a rinne sé bhíodh scéala faoi sna nuachtáin agus go minic sa Pharlaimint. Chun scéal gairid a dhéanamh de, bhí an ghráin go huile is go hiomlán ag muintir na hÉireann ar arm Shasana.

Foinse: “Forgotten Voices of the Second World War” le Max Arthur, Random House, 2004